

Aningaasaqarnermut Ataatsimiititaliap suliaq nr. 01.31.06/08-00324 pillugu ulloq 7. maj 2008-mi aalajangiinera pillugu Naalackersuisunut ilisimatitsineq

(Naalackersuisut ulloq ulloq 22. april 2008-mi ataatsimiinneranni imm. 2b)

Akilerartarnermut Aqutsisoqarfiup sanaartornermut kontoanut ilassutaasumik aningaasaliissuteqarnissaamik qinnuteqaat

Naalackersuisut inassutigaa:

¿ konto pingaarnermi 82.24.01-imi aningaasaliineq akileraaruserinermi nutaamik IT-kkut periuseq nutaaq, ingerlataq nr. 060.90.020, 2008-mi 8.000.000 koruuninik qaffaaffigineqassasoq, aammalu

¿ konto pingaarnermi 80.00.01-mi aningaasaliissutit Nuussinernut sillimmatit 2008-mi 8.000.000 koruuninik appartinneqarlutik

Aningaasaqarnermut Ataatsimiititaliap oqaaseqaatai

IT-kkut periutsinik arlalinnik nutaamik ingerlaqqiffiusumilluunniit ineriartortitsinissamut ilassutitut aningaasaliissuteqarnissamik suliami matumani pineqartumi Naalackersuisut qinnuteqarput.

Akileraaruserinerup akiliisitsiniartarnerullu nunap immikkoortuinut eqiterneqarnerisa kingunerisaanik aningaasaliissutinik pisariaqartitsisoqalerpoq.

Suliami aalajangiisoqannginnerani apeqqutinik imaattunik saqqummiussaqaarnissani Ataatsimiititaliap kissaatigaa:

1. Aningaasaliissuteqarnissamik pisariaqartitsineq aningaasanut inatsisip atuuttup akuersissutigineqarnerani siumut naatsorsuutigineqareersimasinnaasimappat ilassutitut aningaasaliissuteqarnissamik qinnuteqaatit missingersuusiornermut inatsit naapertorlugu Aningaasaqarnermut Ataatsimiititaliamit akuerineqarsinnaanngillat. Aningaasat ataatsimut pingaarnersiorlugit sapinngisamik tullerriaarneqarnissaat tamatumani siunertaavoq. 2008-mut aningaasanut inatsisip akuersissutigineqarnerani aningaasaliissuteqarnissamik pisariaqartit tamakkiisut ilaannakortulluunniit siumut naatsorsuutigereersinnaannginnerannut Naalackersuisut isumaat malillugu pissutsit sorliit pissutaappat?

2. Misileraalluni katsorsaananissanut aningaasaliissuteqarnissamik Naalackersuisut qinnuteqarnerannut atatillugu (Suliaq 08-313) Aningaasaqarnermut Ataatsimiititaliaq ilaatigut ima allappoq:

¿ Tusarniaanermut akissutit ilanngunnagit nutaanik aningaasaliissuteqarnissamik aningaasaliissutinilluunniit allannguinnissamik qinnuteqaatinik siunissami tigusaqaarnissani ataatsimiititaliap qanorluunniit akuersaarsinnaanngilaa. Piumasaqaat tamanna Naalackersuisunit malinneqarsinnaanngippat suleriaatsip missingersuusiorneq pillugu inatsimmik akuersinissaq sioqqullugu atuuttup uterfigisariaqaarnissaa pisariaqarsinnaavoq, tassalu aningaasaliissuteqarnissamik qinnuteqaammut ilanngullugit tusarniaanermut akissutit Aningaasaqarnermut Ataatsimiititaliamut nassiunneqartarnerat. ¿

Ataatsimiititaliali paasivaa qinnuteqaat matumani pineqartoq tusarniaassutigineqarsimanersoq pillugu paasissutissanik sunilluunniit peqanngitsoq. Taamatut tusarniaasimannginnermut pissutaasorinarpoq Akilerartarnermut Pisortaqarfiup Aningaasaqarnermullu Pisortaqarfiup maanna naalackersuisoqarfimmut ataatsimut katitinneqarsimanagerat, taamaattumillu tusarniaanissaq pisariaqanngitsutut isigineqarsimalluni. Apeqqut tamanna aalajangiiffiginngikkaluarlugu pisortaqarfiusimasunit maanna Aningaasanut Naalackersuisoqarfiup ataani inissimasunit aningaasaaliissuteqarnissamik qinnuteqaatit pitsaassusaata pisariaqartumik qulakkeerneqartarnissaat maanna naalackersuisoqarfittut aaqqissugaanermi qanoq ililluni qulakkeerriarneqarnerasoq pillugu Naalackersuisut naliliissutaannik tigusaqaarnissani Ataatsimiititaliap kissaatigaa. Aamma pingaartumik qinnuteqaatinik Aningaasaqarnermut Ataatsimiititaliamut nassiussinnginnermi aningaasaliissuteqarnissamik qinnuteqaatit aningaasaqarnikkut sulisoqarnikkullu kingunerisassaata qulaajarneqaqqaarsimanissaat nassuiaatigeqqaarsimanissaallu tunngaviatigut qanoq qulakkeerneqassanersoq pillugu paasissutissat kissaatigineqarput.

3. Akilerartarnermut Aqutsisoqarfiup allaffissornermut kontomi sipaaruteqarnera aningaasaliissuteqarnissamik qinnuteqaatip 2008-mi 8 mio. kr.-inik annertussuseqarneranut peqataaqataasoq qinnuteqaammi allassimavoq. Qanoq annertutigisunik sipaaruteqartoqarpa, tamannalu Aqutsisoqarfiup suliasaminik isumaginnissinnaaneranut qanoq kinguneqassava? Tassunga ilanngullugu paasissutissiissutigeqquneqarpoq sipaaruteqarnerit 2009-mi kontomi pingaarnermi aningaasartuuteqarnerunissamik kinguneqaratarsinnaanersut, tamatumani pilersaarutaagunarluni aningaasartuutaasinnaasut arlallit allaffissornermut konto aqqutigalugu akilersorneqarsinnaanissaat.

4. 2008-mi aningaasanut inatsisissatut siunnersuutip aappassaaneerineqarneranut isumaliutissiissummini Aningaasaqarnermut Ataatsimiititaliaq ilaatigut ima allappoq:

¿ Naalakkersuisut paasissutissiissutigaa:

¿ Taarsigassarsisitsinermit aaqqissuussinertaa 75.000 kr.-inik akeqarpoq, taakkunungalu ilanngutissapput ESU-mi annertuumik naleqqussaanerit. Naleqqussaanerit kukkunernillu iluarsinerit akornanni naatsorsuuserinikkut immikkoortitsisoqarsinnaangilaq, tassa kukkunissamut periarfissat annikillissinniarlugit ingerlaavartumik iluarsisoqartarmat. Aalisarnermut, Piniarnermut Nunalerinermullu Pisortaqqarfik 2005-imi 455.600 kr.-inik, 2006-imi 1.122.182 kr.-inik 2007-imilu augustip tungaanut 580.600 kr.-inik aaqqissuussinermut aningaasartuuteqarsimavoq. Aningaasartuutit ilai AP-illu avinneqarsimapput.¿

Taamaalillunilu Aningaasaqarnermut Ataatsimiititaliap annilaarutigeqisaminik tupaallaatigeqisaminillu paasivaa qarasaasiakkut aqutseriaatsip, pisarineqarami 75.000 kr.-inik akeqartup, naleqqussarneranut kukkuneqarneratalu iluarsaanneqarneranut 2,2 mio. kr.-it atorineqarsimasut. Pisortat aningaasaataannik taama annertulluinnartigisunik maangaannartitsineq kanngunarluinnartutut Aningaasaqarnermut Ataatsimiititaliamit isigineqarpoq! Suliap tamatuma erseqqinnerusumik misissorneqarnissaanik Kukkunersuinermit Ataatsimiititaliaq ataatsimiititaliamit qinnuigineqassaaq.¿

Aningaasaliissuteqarnissamik qinnuteqaammi allassimavoq Akileraartarnermut Aqutsisoqarfiup KIMIK IT-mik misillitagai tassaasimasut IT-kkut periutsit ilaat ataasiakkaat piffissaq eqqorlugu

tunniunneqarsimammata, ataatsimullu isigalugu pissusissamisoortumik ingerlallutik. Thy Datamit aammalu Sermimit maannamut sullississutit assigisaanik erseqqissaatigissallugit Naalakkersuisunit tunngavissaqartinneqanngimmat, tamatumalu peqatigisaanik suliffeqarfinit taakkunanit marluusunit sullississutinik allanik pisinerit qinnuteqaammi matumani pineqartumi ilaatinneqanngimmata soorunami Ataatsimiititaliamit ernumanartoqartinneqarpoq. Taamaattumik Thy Datamit aammalu Sermimit sullississutit Naalakkersuisunit tamakkiisumik naammagisimaarneqarsimanersut, tassunga ilanngullugu suliffeqarfinit taakkunanit sullississutit tamarmik piffissaq eqqorlugu tunniunneqarsimanersut siunertarisarlu malillugu ingerlasimanersut pillugu paasissutissiissutigineqassasoq kissaatigineqarpoq. Taamaattoqarsimangippat pilersuisumut allamut nuussinaneq misissorneqarsimanersooq paasissutissiissutigineqassasoq kissaatigineqarpoq.

5. Qinnuteqaat matumani pineqartoq akuersissutigineqassappat Akileraartarnermut Aqutsisoqarfimmi IT-mik ineriartortitsinermit annertunerusumik aningaasaliissuteqarnissamik pisariaqartitsisoqarnissaa naatsorsuutigineqartariaqarpa? Taamaattoqarsimappat tamanna pillugu paasissutissat sukumiinerusut kissaatigineqarput.

Aningaasaqarnermut Ataatsimiititaliap aalajangiinera

Apeqqutit siuliani taaneqartut Naalakkersuisunit akissuteqarfigineqarnissaasa utaqqimaarneqarnissaa siunertaralugu Naalakkersuisut inassuteqaataat pillugit isummernissani Aningaasaqarnermut Ataatsimiititaliap **kinguartippaa**. Naalakkersuisut akissuteqaataat kalaallisut danskisullu sapinngisamik piaartumik nassiateqquneqarpoq nuutinneralu elektroniskiusumik uunga nassiateqquneqarluni nch@gh.gl.

Inussiarnersumik inuulluaqqusillunga

Augusta Salling

Aningaasaqarnermut Ataatsimiititaliap siulittaasua